


DECRETA

CONGREGATIONIS

GENERALIS

DVODECIMÆ.



VM, vix absoluta
Cōgregatione Pro-
curatorum, diem
extremum obiisset
R.P.N.Ioan. Paulus
Oliua die 26. Nou.

Occasio
Congreg.
Generalis

1681. renunciatus est Vicarius Ge-
neralis, quem ipse iam tum ab an-
no 1664. scripto à se relicto nomi-
nauerat, R.P.Carolus de Noyelle
Assistens Germaniæ. Hic de PP.As-
sistentium consilio Congregatio-
nem indixit in diem 21.Iunii 1682.
Qua die B. Aloysio Gonzagæ Sa-
cra, adfuere ex Prouincijs Prouin-

A

cia-

2 *Decreta Congregationis*
ciales, seu V. Prouinciales, ac De-
putati planè omnes; fuitque conse-
quenti die Congregatio inchoata.

Decr. I. in MS. Act. I. & 2.

Congrega-
tionis No-
uenn. abro-
gatio, an
petenda? **Q**uia verò ex Dec. fel: rec: Cle-
mentis IX. ante electionem
Præpositi Generalis, præuia matu-
ra rei discussione, & consultatione
agendum id primum erat, & per
secreta suffragia disquirendum, An
bono Societatis expediret, termi-
num Nouennalem ad celebrandas
Congreg. Generales ab Innocentio
X. statutum abrogari, vel obserua-
ri? Idcirco post electum Secreta-
rium P. Paulum Casatum Prouinciæ
Venetæ Electorem, ad pleniorē
deliberationem decreuit Congre-
gatio vt, quæ in vtramque partem
collectæ fuerant rationes, palàm
legerentur. Quibus perlectis, mo-
niti omnes, si quid addendum vi-
deretur, liberum cuique fore seu

voce, seu scripto id proferre, aut tacito etiam nomine alicui è tribus Patribus, Martino scilicet de Esparza, Daniele Bartolo, & Secretario, ad hoc deputatis tradere. Utque maturius fieret, censuit insuper Congregatio sumendum sibi aliquotdierum spatium, quo à quolibet alia re vacaret.

Ad hanc autem deliberationem, cum in ea nec de Electione nec de rebus ad electionem pertinentibus tractandum esset, vocatus est, & admissus V. Procurator Generalis P. Paulus Ottolinus: Vocandus verò non fuit Secretarius Societatis P. Dominicus Maria de Marinis, quia iam ipse inter Electores, Prouinciæ Romanæ elector aderat.

Admissus
V. Procura
tor Gener.

Decr. 2. in MS. Act. 4.

Postquam quatrimum tenuit discussio, lecta sunt à Secretario

Abrogatio
petita.

Decreta Congregationis

quæ supra memoratis Patribus & varijs tradita fuerunt, expensæque, diligenter hinc, & inde rationes adductæ: Actum, præmissa ad diuinam opem lucemque cœlestem implorandam per aliquod tempus oratione, itum est in secreta suffragia, quibus lectis & numeratis, planè constitit ex octoginta quinque suffragijs duo & octoginta pro petenda Congregationis Nouennalis abrogatione stetit, triaque duntaxat in alteram partem abiisse. Cùmque iuxta Clementis IX. præscriptum ad Sedem Apostolicam, quamprimum ac distinctè referendus esset suffragiorum numerus, confecto super eare supplici libello, cum R.P. Vicarius Generalis quarto post die ad Summi Pontificis Pedes cum Secretario benignè admissus, Sæ Sanctitati obtulit, ac totius Societatis nomine Congregationis Nouennalis abrogationem, qua par fuit,

Generalis Duodecima.

fuit, humilitate postulavit, nostræque postulationi, mira erga nos animi propensione, Sua Sanctitas annuere visa est.

Decr. 3. in MS. Art. 7.

DIE quinta Iulij, quæ eo anno Electio
in Dominicam septimam post Præpositi
Pentecosten incurrit, quadriduo Gener.
item interiecto, servatisque ritè
omnibus, quæ à Constitutionibus,
& formula præscribuntur, in Præ-
positum Generalem electus est pri-
mo Scrutinio, ac Summo, qui un-
quam fuit, aut esse possit, suffragio-
rum concursu, nullo videlicet ex-
cepto præterquam suo, R. P. Caro-
lus de Noyelle Vicarius Genera-
lis. Formatum mox iuxta formu-
lam super ea re Decretum, subscri-
ptumque à Secretario, ac promul-
gatum.

Decr. 4. in MS. Act. 5. 7. 8.

Deputati
ad detrimē
ta Includor,
& Orator.

ANte Electionem Præpositi Generalis Deputati more solito ad detrimenta Societatis recognoscenda iam fuerant; ex Italia Pater Octavius Rubeus Prouincialis Romanus; ex Gallia, P. Stephanus De Champs, Rector Parisiensis; ex Germania, P. Ladislaus Vid, Prouincialis Austriæ; ex Hispania P. Martinus de Esparza, Elector Prouinciæ Castellanae; ex Lusitania P. Iosephus de Seyxas Prouincialis Lusitaniæ. Ad includendos verò Electores, quo die fit electio, P. Iosephus Fotius; vt iam ante fuerat ad concionem habendam, P. Nicolaus Auancinus, Elector Austriæ.

Secretarius, & tū
ad detrimē
ta cum ad
postulata
Deputati.

Post electionem autem, electo iterum in Secretarium Congregationis illo eodem, qui electionis fuerat, Deputati tum ad postulata se-

ſeligenda, tum ad detrimenta ſimul examinanda (reieſta in aliud tempus quæſtione, ijdemne an diuerſi eſſe debeant?) fuere P. Octavius Rubcus; P. Paulus Fontanus V. Prouincialis Aquitanix; P. Ladislaus Vid; P. Ioannes Marinus, qui ante erat Aſſiſtens Hiſpanix; & P. Iosephus de Seyxas; Ac tum hi, tum illi ſinguli ſingulis ſcrutinijs, pluribuſque ſuffragijs.

Decr. 5. in M. S. Act. 9.

INdicto pariter ad Aſſiſtentium electionem quatrIduo hæc fuit præmittenda quæſtio aliàs quidem excitata, ſed nondum planè definita; An ſcilicet in iure noſtro accipiendæ ſint voces illæ, vt ſynonymæ, *Natio*, & *Aſſiſtentia*? Fuitque Patrum pluſquam ad duas tertias partes iudicio definitum, vt quis ad aliquam Aſſiſtentiam dicatur, vel non dicatur pertinere, non ad

Quid Aſſiſtentix nomine intelligendum?

8 *Decreta Congregationis*
illius natale solum, aut originem
attendendum esse, sed ad Prouin-
ciam ex qua est: Adeo ut ad hanc
Assistentiam quisque pertineat, &
in eius proinde Assistentem eligi
possit, ad quam ipsa, ex qua tunc
ille est, Prouincia pertinet.

Censendus autem quisque est
ex ea Prouincia esse, in qua in So-
cietatem admissus fuit: nisi fortè,
tum aut post, absolutè, & non so-
lùm ad certum aliquod tempus, à
Præposito Generali addictus alteri
Prouinciæ fuerit; ex hac enim tunc
erit, etiamsi non in ea, sed in alia,
admissus fuerit.

Decr. 6. in MS. Act. 10.

Assistentiũ
electio, &
Admoui-
tores.

O Ctaua post Electionem Gene-
ralis die Iulij duodecima, in-
dictique ad Assistentium Electio-
nem quatruidui vltima, in Assisten-
tes ad plura medietate suffragia
electi sunt, Italiæ P. Dominicus

Ma-

Maria de Marinis , Secretarius Societatis, tertio Scrutinio ; Germaniæ P. Nicolaus Auancinus , Præpositus Domus Professæ Viennensis, primo Scrutinio; Galliæ, P. Paulus Fontanus, V. Prouincialis Aquitanie Rectorque Pictauiensis , primo Scrutinio; Hispaniæ, P. Paschasius de Casanueva , Prouincialis Castellæ, secundo Scrutinio; Lusitanie idem qui proximè officio illo defunctus erat , P. Franciscus de Almada, primo Scrutinio; qui omnes de more iuramentum præstiterunt . Ac tum etiam creatus Admonitor fuit , ad plura item medietate suffragia , secundo Scrutinio , P. Ioan: Marinus qui Hispaniæ Assistens proximè ante fuerat .

Decr. 7. in MS. Act. 11. 12. 13.

HIS ita peractis , scriptum à se
postulatum R. P. Generalis
Congregationi obtulit, quo expo-
sec-

Prouiden-
tia Assiste-
tium erga
Generale .

scebat ut, cum Societas suam erga Præpositum Generalem providentiam exercere per Patres Assistentes debeat, vellet Congregatio statuere rationem, quam tenere in posterum illi debent in executione huius primariæ, præcipuæque partis sui muneris; multa que ipse in eum finem media proponebat, quæ in Actis Congregationis Continentur.

Non potuit quidem Congregatio non laudare tam ardentem eius zelum, sibi que in primis gratulari, quod eum haberet Generalem, qui ita ipse executioni tum in se, tum suo exemplo in cæteris, urgendæ promouendæque insistere. Eius autem postulato prout iacet annuere, tamque arctis Præpositum suum Generalem, ac ipsos etiam Assistentes, vinculis constringere minus æquum atque consentaneum visum fuit gravissimis in medium allatis rationibus.

Ut

Vt tamen aliqua ex parte postulato satisfaceret, statutum voluit, vt deinceps Patres Assistentes tertio quoque mense, conuocante reliquos eorumdem professione antiquissimo, conueniant, ac inter se discutiant, num aliquid sit, de quo monendus videatur Generalis, aut quod illi repræsentari debeat, tum quoad ea, quæ propriam ipsius Personam attingunt, tum quoad Administrationem, & gubernationem Societatis; illumque, si quid sit, de eo quam primum, siue ore tenus, siue scripto pro sua prudentia moneant, aut illi repræsentent. Ad quod tamen nec ipsi tenebuntur, quin illorum pars maior consenserit, si impar illorum fuerit numerus; aut media, si par fuerit.

Decr. 8. in MS. Act. 9.

Postulatum ab ipso item fuit, vt Congregatio definiret, si nec So-

Missæ ad intentionē Generalis, earumque applicatio.

Societatis menti consentaneum, missas, quæ singuli singulis hebdomadis iubentur ad intentionem Generalis celebrare, posse ita ab eo applicari, ut per illas satisfiat obligationi, quam alij quicumque susceperint, aut suscepturi sint, recipiendo eleemosynas pro Missis celebrandis. Vnanimi consensu responsum est, id non censendum deinceps Societati nostræ consentaneum, nec debere vlla ratione Præpositum Generalem Sacra, quæ à nobis celebrantur, ita applicare, ut quicumq; tandem illi sint, quidquam inde sibi aut alijs lucrentur; seque aut alios ab onere, quod accepto stipendio aut eleemosyna nunc aut aliàs, vel ipsi, vel alijs contraxerint, liberos præstent.

Decr. 9. in MS. Aet. 13.

Dies promotionum
ad gradū,

Superiorum Congregationum
exemplo varijs, pro rerum tra-
ctan-

Standardum diuersitate deputatio-
nibus institutis, propositum hoc
primum fuit; An, cum constituti pro-
motionibus ad gradum iam fue-
rint, & in morem inducti dies Puri-
ficatæ, & Assumptæ in Cælum Dei-
paræ sacri, placeret Congregationi
hos eosdem dies retineri? Placuit
omnino; sic tamen, vt neque præfi-
xum illud tempus ad professionis
valorem conditio necessaria sit; nec
etiam ita praxi illi insistendum.
Congregatio velit, vt si fortè pro-
mouendus aliquis citra culpam,
grauemque ob causam non potue-
rit statutis illis diebus, promoueri,
non possit cum facultate Prouincia-
lis, si ita causa cognita iudicauerit,
primo quoque opportuno tempo-
re, nec expectato insequenti ter-
mino, promoueri.

Decr. 10. in MS. A. 7. 28. 29. 30.

Propositum item fuit, An non
expediat, Vicario Generali fa-
cul-

Potest Vic.

Gen. pro-
promouere
ad gradū.

14 *Decreta Congregationis*

cultatem dari promouendi ad Professionem, & ad gradum eos, qui, quo tempore Vicarius est, habent omnia ad id requisita, etiam si de illis à defuncto Generali statutum nihil, aut significatum fuerit? Censuit Congregatio, hanc illi facultatem esse tribuendam, & re ipsa tribuit, eoque omni modo, quo illam habet præpositus Generalis dum viuit, non obstante Decreto 3. Congregationis quartæ. Nec, cum vnus è Patribus intercessisset, eius intercessioni deferendum prorsus voluit.

Decr. 11. in MS. Act. 19.

Ad Professionem nō expectandi absentes. **N**omine verò Prouinciæ Lusitanix propositum est, An non æquum videatur, vt Nostri, qui in Lusitania sunt, habentque omnia ad Professionem, seu gradum requisita, alios se antiquiores, aut æquè antiquos, pariterque ad professionem,

nem, seu gradum expeditos, expectent, donec ex Insulis, alijsue remotioribus locis, ubi versantur, redierint; vel saltem ut illi alij, licet tardiùs promoti, in locum suæ antiquitatis tum deinde restituantur? Sed ferè omnium sententia fuit iuxta id, quod habet Decr. 31. Congregat. 11. illos nullatenus expectandos, seruandumque præterea promotionis tempus, & ordinem.

Decr. 12. in MS. Act. 18.

AD coercendam prauam illorum Voluntatem, qui nullam iustam ob causam, sed sola importunitate, suam è Societate dimissionem vel urgent, vel extorquent, censuit Congregatio retinendum, obseruandumque Decret. 22. Congreg. VII. nec aliud præterea statuendum in præsentì.

De ijs qui
dimissionē
extorquēt
importuni-
tate,

Decr. 13. in MS. Act. 42.

De Admis-
sione ante le-
gitimam
ætatem.

VT omnis dubitatio tollatur, quæ ex Decretis 22. & 35. Congregat. VIII. subnasci potest circa eum, qui absque dispensatione Præpositi Generalis fuisset, siue bona fide, siue defectum ætatis dissimulans, ante decimum quintum annum expletum ad probationem admissus, aut ante decimum septimum expletum annum vota emisisset; Congregatio (declarando Decretum Congregationis VIII.) definitum voluit, Biennium Novitiatus fuisse tunc solum quidem validè inchoatum, quando ille annum ætatis suæ decimum quintum explevit; primam verò renouationem Votorum, post annum decimum septimum expletum factam, habere vim primæ nuncupationis, ac supplere quoscumque prædictos eiusmodi defectus.

De-

Decr. 14. in MS. Act. 15.

CVM ex ordinationibus Generalium cap. 18. seu 1. de promouendis ad gradum, §. 5. præscriptum habetur, debere eos, qui ad gradum Coadiutorum spiritualium promouendi sunt, si cætera ad id requisita habuerint, statim post septennium à suo in Societatem ingressu promoueri. Rogata Congregatio an in posterum retinenda nihilominus videretur praxis, iam tum à R. P. Mutio introducta, obseruataque, neminem ad huiusmodi gradum promouendi ante trigesimum annum ætatis expletum, & ingressus in Societatem decimum? Retinendam esse declarauit; Patrique Nostro, quamuis citra nouam obligationem, aut ad valorem votorum necessitatem, maximè commendauit.

Ætas ad
gradū Coa-
diutoris
spiritualis
requisita.

Decr. 15. in MS. Act. 29.

Secretū in
reddenda
ratione
conscientiæ.

CVM propositum esset, quo Secreti Vinculo tenerentur Superiores ad ea, quæ Subditi in reddenda ratione conscientie ipsi aperuerint, censuit, & declarauit Congregatio secretum adeo religiosè seruandum esse, vt non liceat Superiori, cui reddita ratio conscientie fuerit, quidquam eorum, quæ illi de se ipso quis manifestat, ulli omnino, nec Generali, nec Provinciali vnquam reuelare, vel etiam innuere; nisi fortè illo eodem, qui conscientiam suam manifestauit, expressè consentiente.

Decr. 16. in MS. Act. 40.

De Confessarijs pro
Votorum
renouatione.

Circa id, quod quæsitum est de Confessarijs, qui aliquo ante Votorum renouationem tempore debent in Collegijs, seu Domibus

no-

nostris assignari, placuit Congregationi declarare simul, ac decernere, eos ex quo à Superiore Domus designati sunt, posse ab eo tempore usque ad diem renouationis inclusuè confessiones nostrorum, qui ibi sunt tum generales, tum particulares, ac tam eorum, qui Vota non renouant, quam qui renouant, audire, quoties eis placuerit per totum illud tempus ad illos accedere.

Decr. 17. in MS. Act. 20. & 47.

AD tollenda duo circa facultatem absoluendi Nostros à casibus reservatis proposita dubia, sic definiendum censuit.

De casibus
reservatis
absente Superiore.

I. Si Superior abiens ex Vrbe Vice-Rectorem, aut Vice-Præpositum constituerit, cum qui Vice-Rector est, aut V. Præpositus, habere tum per se facultatem absoluendi à reservatis, tum eam cuius alteri

20 *Decreta Congregationis*

subdito Sacerdoti delegandi; Si autem, nec constituto V. Rectore, aut V. Præposito, nec vlla facta mentione reservationis abierit, eo-que loco sit, vt consuli nequeat; etiamsi per vnam tantum diem integram futurus sit absens, eum, qui Minister est, seu Domui tunc præest, facultatem habere tum absol- uendi, tum delegandi potestatem absol- uendi à reseruatis.

Quæ facul-
tas ab ijs
absoluendi
in Residen-
tijs.

II. In Residentijs pariter, Mis- sionibusque fixis; in quibus è nostris pauci morantur, ius idem illarum Superioribus concedi, quod alij seu Rectores, seu Superiores ha- bent quoad facultatem absoluen- di per se, seu delegandi: Nec ta- men propterea, qui ibi degunt, priuari concessione sibi facta De- cret. 25. Congregat. VIII. §. 1. si ea vti voluerint.

Decr. 31. in MS. Act. 15.

AD præcauenda mala, quæ oriri **Falsi dela-**
ex Delatoribus tum falsis, aut tores pu-
temerè credulis, tum ijs, qui ab- niendi.
sque iusta causa aliorum defectus,
sue veros, siue præsumptos, ad
Superiores mediatos, priusquam
ad immediatos deferrent, nullo
quidem nouo Decreto opus esse
Congregatio iudicauit; enixè ta-
men Patri Nostro commendatum
voluit, vt Decretum XII. Con-
greg. VII. quo satis prouisum est,
curet, vrgeatque acriter, tum à
Provincialibus tum ab alijs Supe-
rioribus executioni mandari.

Decr. 19. in MS. Act. 37.

Censuit pariter Congregatio, Puniendi,
ipso etiam P. Nostro postulan- qui alios
te, si contigerit vnquam quem- lingua, vel
quam è Nostreis, alios etiam quos- calamo of-
cum- fendunt,

cumque externos, maximè verò Religiosos, aut Viros primarios, vel lingua, vel calamo, aut quacumque alia ratione offendere, aut iustam illis offensionis causam dare.

I. Vt in illum Superiores diligenter inquirant, quaque par est seueritate animaduertant, nihilque huiusmodi impunitum relinquant.

II. Vt curent ijs, qui se læsos existimare meritò potuerint, debitam satisfactionem quamprimum exhiberi; ac si quando libri illi, in quibus aliquid sit, vnde quis offendi potuerit, recudantur, illud penitus expungi.

III. Ne ipsi etiam Superiores, ad quos spectat, se hac in parte molliores præbeant, probauit Congregatio iudicium Patrum Deputatorum, vt Consultores tum Locales, tum Prouinciales teneantur monere Superiores mediatos, si quid ab aliquo peccatum sit; &

an poenitentiae necne, & quales,
iniunctae illi fuerint?

Decr. 20. in MS. Act. 16.

Facultatem à R. P. N. Ioan. Paulo De Substi-
tutis Pro-
Oliua quibusdam extra Euro- uinciarum
pam Prouincijs, iustas ob causas, extra Eu-
concessam, Romam vnà cum Pro- ropam, ac
curatore mittendi etiam Substitu- illorū iure
tum, Congregatio non modò con- ad Congr,
firmat, sed etiam ad quascumque Gener.
extra Europam Prouincias exten-
dit. Imò (admisso iam ante ex gra-
tia ad Congregationem, post ele-
ctionem, & ad negotia P. Barnab.
Gutieres Prouincię Mexicanę Sub-
stituto) visum insuper æquitati con-
sentaneum fuit, & statutum, vt in
Congregatione Generali eodem
inposterum, quo Procurator ipse,
iure tum ad negotia, tum ad ele-
ctionem Generalis gaudeat etiam
Substitutus; modò conditionibus
alijs, in ipso Procuratore requisi-

24 *Decreta Congregationis*
tis, non careat; His enim si careat,
erit ad negotia tantum admitten-
dus: Ad Congregationem autem
Procuratorum, ubi Procurator ad-
fuerit, Ius planè nullum Substitu-
tus habet.

Decr. 21. in MS. Act. 18.

Rectores,
& Professi
extra Eu-
ropam, An
Ius habeant
ad Congr.
Prouinc. in
Europa!

CVM verò aliqua sint extra Eu-
ropam Collegia ad aliquam
Europæ Prouinciam spectantia, du-
bitatum est an Collegiorum illo-
rum Rectores, aut Professi ibi de-
gentes, ad Congregationem pro-
uincialem veniendi ius habeant?
Re diu satis agitata; statutum tan-
dem fuit, huiusmodi seu Rectores,
seu Professores ius nullum habere,
vel ut vocentur, vel ut veniant,
adeoque nec Rectoribus ipsis ius
vllum competere mittendi quem-
quam ex suis subditis.

Procurato-
ri Quebe-
censi con-
ceditur in
Prouincia
Franciæ.

Instante tamen Prouinciali
Franciæ, ut nomine Rectoris Que-
becen-

becensis, cui subsunt Residentiæ omnes Regionis Canadensis, eius Procurator in Gallia degens possit supra numerum Congregationi sue provinciæ interessere, longè maiori parti Congregationis, auditis eius rationibus, placuit hoc illi (quod alijs tamen, vel extra Europam, vel in ipsa Europa remotioribus Collegijs propterea non datur) speciatim, ac specialem ob causam, nec ad negotia solùm, sed ad ipsas etiam electiones concedi.

Decr. 22. in MS. Act. 22. 27. 52.

AD excitandum magis semper, ac magis in Nostri Doctrinæ studium, quod in Societate adeo hætenus viguit, vitandumque ne in eandem ultra modum, mentemque S. P. Nostri Ignatij Professorum quatuor votorum numerus excrescat, Congregationi, auditis super eare patribus deputatis pro
stu-

studijs , visum est decernere , quæ
sequuntur .

Quæ Do-
ctrina ad
Professio-
nem 4. Vo-
torum re-
quisita?

I. Per sufficientem ad quatuor
Votorum professionem Doctrinam
non eam intelligendam esse , quæ
talis solum relatiuè sit, seu compa-
ratiuè ad alios , ante ad eum gra-
dum promotos , sed absolutè , &
qualem Decreta Congregationum
requirunt ; nec habita solum in-
genij, aut aptitudinis ratione, sed
doctrinæ præsentis , quam re ipsa
habet in Theologia is , qui exami-
natur .

Iuramentū
Examina-
torum ad
Professio-
nem ,

II. Neminem deinceps ad Exa-
minatoris pro illo gradu , munus
admittendum esse, quin priùs, post-
quam Decretum 33. Congreg. VII.
§. 3. & 37. Congr. VIII. §. 2. ac præ-
sentis huius Decreti §. 1. attentè
legerit , iuramentum super ea re
coram Superiore genuflexus emi-
serit in hæc Verba .

Formula
Iuramenti ,

Ego N. Testem inuoco Deum,
cuius oculis nuda sunt omnia , me
in

In examine præstiturum esse fideliter, quæ præscribuntur in Decretis, à me prælectis, iuxta proprium eorum sensum. Proindeque me nec laturum esse suffragium comparatiuè ad alios quosdam ante promotos; sed absolutè iuxta decreta eadem; nec habita solùm ingenij ratione, sed doctrinæ simul præsentis, quam quis actu habet, ac vi cuius possit, adhibitis præparationibus ordinarijs, docere philosophiã, & Theologiam cum satisfactione, meque insuper nemini reuelaturum esse meum suffragium, præterquam ijs, ad quos pertinet ex officio. Ac ita iuratus promitto.

Ferendi autem ab iisdem examinadoribus iudicij formula hæc est.

*Formula
ferendi ab
ijs iudicij.*

Ego N. examinaui de more (vel audiui defendentem Theses de Vniuersa Theologia) N. & iuratus censeo illum habere (vel non habere) tantum doctrinæ, quantũ VII. VIII.

& XII. Congregatio, formulaque iuramenti præscripta ab eadem Congregatione duodecima, ad docendam cum satisfactione Philosophiam, & Theologiam, & ad Professionem quatuor Votorum requirunt.

Meminisse tamen Examinatores debent, cum quis tantam Doctrinam non habens, mediocritatem attingit, suo id etiam suffragio distinctè declarandum esse ex Decr. 37. Congr. VIII. §. 1.

An secundū, & tertium
examē concedendum?

III. Tertium ad professionem quatuor Votorum examen, quando quis defectu doctrinæ ab ea per superius examen exclusus est, nunquam esse concedendum; secundum verò non nisi à R.P. Generali, idque rarò, gravibusque de causis; aut vix vnquam, nisi is, cui hoc concederetur, retulerit in primo examine duo pro se suffragia; ac si fortè distinctos à prioribus Examinatores esse necesse fuerit, sint

etiam

etiam illi omni exceptione maiores, & iurati & ab ipso Præposito Generali designati.

IV. Quod huius Decreti §. 1. dicitur, debere, licet absque iuramento, extendi suo modo ad ea examina tum Theologorum, tum Philosophorum, quæ singulis annis fiunt, ut nempe Examinatores decorum doctrina, & capacitate iudicium ferant, non comparatiuè solum ad alios, qui fortè ulterius progressi sunt in studijs, sed absolutè pro eo, qui à Decretis in singulos annos progressu requiritur, & capacitate.

Iudicium
de capaci-
tate per e-
xamen.

Decr. 23. in MS. Act. 21.

DVbitatum verò fuit, quænam in Iure Canonico doctrina requiratur, ut quis iuxta Constitut. par. 5. cap. 2. lit. B possit rationabilius ad trium, quatuorue Votorum professionem admitti? Iudicium

Quæ in Iure Canon.
doctrina ad
profess. re-
quisita.

30 *Decreta Congregationis*
cium Congregationis, auditis Patribus deputatis pro studijs, fuit, Ad trium Votorum Professionem, requiri, vt mediocritatem in ea superet; ad quatuor verò, vt non, quomodocumque, sed cum eo, proportionē seruata, excessu, qui in Theologia Scholastica requiritur: Ac debere de eo in illa facultate excessu constare, eo modo, quo de Theologia in facultate Theologiæ per Examinatores scilicet pariter iuratos, illiusque scientiæ cum primis peritos; nisi fortè iam ante ingressum in Societatem Doctor foret, ac de cuius eximia eruditione nulla dubitatio esse posset.

Decr. 24, in MS. Act. 41. & 42.

Iurandum de Talētis. **P**Ræterea, ctsi Congregatio XI. Decr. 3. censuerit non esse iuramentum exigendum ab his, qui iudicaturi sunt de excellentia Talenti, quod supplere potest defectum
tum

etum doctrinæ requisitæ ad professionem quatuor Votorum; postulatum tamen hic fuit, ac de nouo examinatum, quid hoc in casu fieri expediat? Reque diù in vtramque partem disceptata, maiori tandem parti placuit, hoc ab illis etiam exigendum esse iuramentum; cum nec æquum videatur, vt melior illorum hac in parte conditio sit, quàm aliorum, pro quibus exigitur; nec iuramentum huiusmodi ijs, qui iurare debent, videri difficile possit, & graue, quandoquidem eiusmodi Talentorum excellentia pater omnibus, ac esse conspicua debet.

Aduersus hoc Decretum intercessum quidem postridie fuit; sed maior iterum pars, standum Decreto voluit.

Cum verò super ea re à Patre Nostro quæsitum fuisset, an Congregationis sensus esset, eos omnes, in quorum fauorem de huiusmodi
exce-

excellencia talenti testimonium
 examinatores tulerint, esse vel eo
 nomine ad quatuor Votorum pro-
 fessionem promouendos? Declara-
 tum fuit hunc illius nullo modo
 sensum esse; sed hac in re standum
 omnino menti S.P.N. Ignatii Const.
 par. 5. cap. 2. lit. B. necnon Decre-
 to 15. Congr. VI. Ex quibus habe-
 tur totum de his promouendis, vel
 non promouendis negotium P. N.
 Generali committendum esse; id-
 que etiam ita intelligendum, vt
 eiusmodi promotiones neque com-
 munitè, neque facilè ab ipso con-
 cedantur.

Decr. 25. in MS. Aet. 26.

Collegijs
 Conuictor-
 um Magi-
 stripeculia
 res nō con-
 cedendi.

QVarumdam Prouinciarum no-
 mine postulatum fuit, vt De-
 cretum 18. Congr. II. quo prohi-
 betur, ne Episcoporum Seminarijs,
 quorum curam Societas susceperit,
 præceptores dentur separati ab ijs,
 qui in Scholis nostris docent, ad

alia

alia etiam quæcumque Collegia
Conuictorum, & Nobilium exten-
datur, Ne scilicet distinctas à no-
stris scholas habeant.

Congregatio, expensis atten-
tè, ac seriò incommodis, quæ illis
Prouincijs, ex illa necessitate mul-
tiplicandi tot præceptores, nascun-
tur, ac oneribus, quibus inde supra
suas vires, & redditus grauantur il-
larum Collegia, & Domus, R. P.
Generali impensè commendauit, vt
curam omnem, ac diligentiam adhi-
beat, tum in reuocandis ad scholas
nostras huiusmodi Conuictoribus,
quantum citra Virorum Principum
offensionem licuerit, tum in præ-
cludendo aditu, ne quid in poste-
rum eiusmodi fiat.

Decr. 26. in MS. Aet. 27.

CVM ab Illustrissimis, ac Reue-
rendissimis Ecclesiæ Gallicanæ
Antistitibus prouido sanè, pijs-
C
moque

Seminaria
Clericorū
in Gallia.

moque consilio, Seminaria instituta iam fuerint, ac instituuntur indies, in quibus per exercitia spiritualia, & rerum Ecclesiasticarum notitiam Clerici proximè erudiuntur ad vitam Ecclesiasticam; & ex ijs aliqui, pro suo erga Societatem studio, ac beneuolentia singulari, è diuina gloria futurum existiment, si Clerici huiusmodi nobis instituendi tradantur: Postularunt Provincia Galliae, vt Nostris in Gallia liceret, hæc Episcoporum Seminaria admittere, ac eorum curam suscipere. Cùmque audissent Patres, quantæ vtilitati Catholicæ Religionis esse id possit, admittenda esse eiusmodi Seminaria censuerunt ijs conditionibus, quas à nostro Instituto non alienas iudicauerit R.P.N. Generalis, cuius prudenti arbitrio res tota permissa est.

Decr. 27. in MS. Aet. 13. 30.

¶ 43.

CVM autem lectæ fuissent datæ
ad Congregationem à Celsis-
simo Principe, Paderbonensi Mona-
sterienſique Episcopo, Ferdinando
Fustembergio literæ, quibus nobis
honorificè in primis ac peramanter
significat, se quindecim Missiones
propria liberalitate, tum in Ger-
mania totoque Septentrione, tum
in Oriente apud Sinas, & Iapones
fundasse, easque omnes Societati
nostræ iuxta eiusdem leges & Insti-
tutum commissas traditasque vo-
luisse, Congregationi deliberan-
dum quidem non fuit, gratias, An
deberet, sed quas agere posset;
adeo visa Nobis fuit rei magnitu-
do nostrum omne meritum viresque
excedere. Ne tamen nostræ vllæ
partes gratique animi vsensus, &
significatio desiderarentur, decretæ
à Congregatione, datæque ad illum

Fundatio
Missionum
ab Episc.
Principe,
Monaste-
riensi. Actio
que gratia-
rum.

in gratiarum actionem literę sunt, indicta insuper per Societatem vniuersam Sacra, & preces; ac denique, eius ad Nos Nostręque ad ipsum insertę seruatęque in Actis Congregationis literę, ad perpetuum videlicet tum singularis illius erga nos munificentię, tum nostrę erga ipsum gratissimę voluntatis ac memorię, futurum apud nos æque ac posteros pignus, & monumentum.

Decr. 20. in MS. Act. 40.

Laxitas opinionum
moralium
punienda.

Quamuis contra nouitatem, laxitatemque opinionum, præsertim in rebus moralibus, abundè prouisum sit, & Præpositorum Generalium Ordinationibus, & superiorum Congregationum Decretis, & Constitutionibus ipsis, quibus iubemur sequi in quauis facultate securiorem, magisque approbatam Doctrinam. In re tamen tanti momenti, postulante pro suo zelo Patre

re Nostro, omniumque conspirantibus Votis, nihil prætermittendum rata Congregatio præsens Decretorum, quibus noue illæ, laxioresque opiniones doceri, typisque mandari prohibentur, vim totam renouat, roborat, & confirmat. Commendat præterea in primis Patri Nostro, vt non tantùm transgressores loco, & cathedra moueat, alijsue grauib, pro modo culpæ, poenis subiiciat; sed ipsos etiam Superiores, si quando in cohibenda liberiori illa opinandi licentia negligentiores fuerint, seuerè puniat.

Decr. 29. in MS. Act. 22.

Congregationi à Patre Nostro propositum fuit, An iudicaret in præsentì, manentibus in suo vigore Constitutionibus per dispensationem cõstituendum Procuratorem Generalem professum aliumque

Procurator Gener. Professus, An constituendus.

quem quatuor Votorum, cùm modò non habeatur, qualem Constitutiones requirunt, non Professus, vel ad id aptus, vel non aliundè legitimè impeditus? Necessitati seruiendum ad tempus, ac donec alicuius idonei non Professi opportunitas fuerit, Patres omnes censuerunt; maximè verò cùm huiusmodi exemplis Societatis historia non careat.

Dec. 30. in MS. Art. 25. & 26.

Superiores
nominati à
defuncto
Generali,
An, & quā-
do renun-
ciandi?

QUæsitum hìc fuit, An nomina-
ti à defuncto Generali Pro-
vinciales, ac Superiores locales
in locum eorum, qui suum, mo-
riente Generali, triennium non-
dum expleuerunt, quosque constat
ipsum non voluisse ante tempus
exauctorare, debeant, vel possint à
Vicario Generali renunciari, illis-
que statim post triennium suum
substitui, necne; siquidem viden-
tur

tur varia super ea re quarundam,
Congregationum Decreta pugna-
re inter se? Plusquam duabus ter-
tius partibus visum est, in illo casu
non posse, cum nec Præpositus ip-
se Generalis viuens possit post in-
dictam Congregationem Genera-
lem, Prouinciales vi præcedentis
suæ nominationis mutare; secus ve-
rò si ante Generalis obitum fuerat
elapsum triennium eorum, quibus
successores fuerant destinati.

Si tamen contigerit, ante obi-
tum Generalis, missas iam fuisse
patentes literas pro Successore
eius, qui suum triennium paulò
post obitum Generalis solùm ex-
pleuerit; fuisseque iam Successo-
rem illi substitutum antequam
quidquam de morte Generalis, seu
de indicta Congregatione innotue-
rit, censuit Congregatio, legiti-
mam tunc mutationem fuisse, illi-
que standum ob varia, quæ alio-
quin sequerentur, incommoda.

Contra autem si, priusquam mutatio fieret, de morte Generalis, aut indicta Congregatione notitia habeatur, siue à Prouinciali, siue à Rectore, aut eius futuro Successore, & quacumque tandem via, siue ex literis Vicarij Generalis, siue aliunde, nullam in eo casu faciendam esse mutationem; ac, si fiat, nullam esse.

Decr. 31. in MS. Aet. 48.

Superiores
locales pos-
sunt à Ge-
nerali mu-
tari,

QVandoquidem ex Decreto 66.
Congreg. VII. constat, nec
ipsum Prepositum Generalem pos-
se, non tantum post inchoatam, sed
neque post decretam Congrega-
tionem, mutare Prouinciales; Que-
situm est, an pariter nec Rectores,
aliosue Superiores locales, qui sui
Regiminis tempus absoluerunt,
mutare possit? Maiori parti placuit,
posse illos ab eo, etiamsi decreta
iam sit, aut indicta Congregatio
Ge-

Generalis, neque solùm post, sed etiam ante Congregationem Prouincialem, mutari.

Decr. 32. in MS. Act. 48. 49. 50.

DVbitatum insuper fuit, An, Mutatio
quando in Congregatione Prouincia.
Procuratorum indicatur, statuitur- lium post
que cogenda Congregatio Gene- Decretum
ralis, eo ipso die Decreta dici, & Congreg.
censeri debeat? An eo tantùm, quo Procurat.
à Generali Præposito certum ali- de cogēda
quod tempus illi celebrandæ indi- Congreg.
citur? Priori parti plures quidem Generali,
adhæserunt; sed cùm postera die
contra intercessum fuisset, obtinuit
intercessio, A die tantùm indictionis
factæ à Generali non posse illum
mutare Prouinciales, nisi in certis
casibus, in quibus potest & ipse
Vicarius ex septima sua Regula.

Decr. 33. in MS. Act. 49. & 50.

An, & quæ **S**ED quia contingere potest, ut
 mutatio le quæ à P. Generali, antequam
 gitima post ab illo indicta esset Congregatio,
 indicta m. missæ fuerant literæ, quibus nouum
 Congreg. Prouincialem designabat, non ta-
 men ante, sed solum post factam in-
 dictionem Congregationis Gene-
 ralis peruenerint in Prouinciam;
 sensus Congregationis fuit, in eo
 etiam casu Prouinciali antiquo no-
 uum illum esse substituendum;
 hancque mutationem esse legiti-
 mam, etiamsi, antequam fieret,
 sciretur indicta Congregatio Ge-
 neralis.

Decr. 34. in MS. Act. 29.

Socius Pro **P**rouinciæ cuiusdam postulatam
 uincialis, fuit, ut Socius Prouincialis ra-
 an ad Con tione officij sui ad Congregatio-
 greg. Prou. nem Prouincialem supra nume-
 admitten- rum;
 dus?

rum ; & , si non ad Electiones , ad negotia saltem admitteretur : sed nihil innouandum Congregatio censuit .

Decr. 35. in MS. Act. 31. & 32.

DVbitatum est , An quando Rector abest à suo Collegio , in quo Vice-Rector ex ordinatione , vel cum approbatione Prouincialis , aut Generalis constitutus est , possit alium à Vice-Rectore distinctum nominare , qui suo loco Congregationi Prouinciali intersit ? Plusquam duæ tertiæ partes censuerunt , quando in potestate Rectoris non est (vt in isto casu) mutare Vice-Rectorem , non posse tunc ab illo alium suo nomine mitti ; adeoque si Congregationi Prouinciali interesse ipse nequeat , debere interesse Vice-Rectorem .

An, & quale
ius Rectoris
absentis mit-
tendi ad
Congreg.
Prouinc.

Sed, cum huic Decreto intercessisset R.P. Generalis , examinata
ite-

44 *Decreta Congregationis*

iterum fuit fequenti die quæftio ,
expensaque in primis verba illa
formulæ §.4. quibus conftat ius il-
lud ijs folùm , fiue Vice Reftori-
bus , feu Vice-Præpofitis (eadem
enim eft ratio de vtriusque) com-
petere , qui in totũ principaliũ Su-
periorum officio funguntur : Con-
gregationi vifum fuit eiuſmodi Vi-
ce-Reftorem , quamdiu Reftor vi-
uit , nec eft ſua iurifdictione deſti-
tutus , non pleno Superioris prin-
cipalis officio fungi ; ac proinde
poſſe tamdiu Reftorem ex ſuis ſub-
ditis quemcumq; idoneum volue-
rit ad Congregationem Prouincia-
lem mittere , fiue Reftor intra Pro-
uinciam ſit , fiue extra ; modò facta
ab eo deſignatio haberi tempore
conuenienti poſſit .

Dec. 36. in MS. Act. 33.

Admini-
ſtratio ſuo-
rũ bonorũ
prohibita,

ET ſi ad remouendam à Noſtris
rerum temporalium admini-
ſtra-

strationem nouo Decreto opus minime sit, vt tamen omnes intelligant, quo studio foneri apud nos paupertatis puritas debeat, confirmatum Congregatio voluit Decretum 17. Congreg. VII. & Decr. 2. Congreg. X. ne cuiquam permittatur suorum bonorum administratio, vel liber vsus, eo etiam tempore, quo dominium illorum retinet; horumque Decretorum omnimodam executionem Patri Nostro impensè commendauit.

Decr. 37. in MS. Art. 34.

QVia verò consequenter dubium fuit, statuendum quid videretur circa pensiones pecuniarum annuas, quæ nostris aliquando assignatæ sunt, aut assignari possunt, tum ex parentum, seu consanguineorum destinatione, tum ex testamento per modum Legati, seu titulo eleemosynæ, aut quas sibi quis
in

Annua pē-
siones ap-
plicandæ;

46 *Decreta Congregationis*
in bonorum suorum renunciatione,
ante suum in Societatem ingressum
facta, reservauerit, aut quacumque
tandem alia ratione; sic statutum
à Congregatione fuit.

I. Liberum huiusmodi pecu-
niarum usum nemini prorsus esse
concedendum. II. pensiones hu-
iusmodi esse, quoad eius fieri po-
terit, certo alicui Societatis domi-
cilio applicandas, ad cuius Supe-
riorem plena de pecunijs inde pro-
venientibus dispositio pertineat,
III. Denique, si hæc ex aliquo casu
fieri applicatio non possit, id certè
fixum semper, ratumque, Debere
summam integram pecuniarum il-
larum, siue pensionum venire in
manus potestatemque Superioris,
vel Localis, vel Prouincialis pro
arbitrio Generalis.

Legata con-
fidentialia
non accep-
tanda.

Decr. 38. in MS. Act. 34. & 35.
DVbitatum præterea, Nostri ne
liceat acceptare legata, quæ
con-

confidentialia vocant ; cùm quis Testator decedens iubet certam alicui è Nostris pecuniæ summam, aut rem à suis hæredibus dari, quam ille iuxta Testatoris mentem sibi secretò communicatam impendat ? Maior quidem pars cum Patribus deputatis iudicavit satis, & paupertatis obseruationi, & Societatis existimationi consultum videri, si ea tantùm legata confidentialia respuantur, ex quibus videatur vtilitas aliqua, aut in Societatem ipsam, aut in particulares personas redundare.

Sed cùm huic Decreto intercessum fuisset ; re diu, multumque agitata, Congregatio omnibus interdictum voluit Legatorum huius modi executionem acceptare ; eaque planè ratione, qua Const. par. 6 cap. 3. §. 7. Testamentorum executio prohibetur.

Decr. 39. in MS. Act. 33. & 36.

Compensa-
tio pro mi-
nisterijs
nullo mo-
do licita .

FVit item à Congregatione postu-
latum, vt declaret, An accipe-
re aliquid tamquam stipendium,
vel eleemosynam in compensatio-
nem pro Missis, Concionibus, alijs-
que id genus Societatis nostræ mi-
nisterijs, ita sit contra paupertatis
nostræ Votum, vt non tantum id re
ipsa non liceat, sed neque ex vlla
Superiorum licentia fieri licitum
possit. Censuit Congregatio, ex
Decreto 29. Congr. V. videri satis
clarum ex nulla Superiorum licen-
tia id fieri licitum posse: Ne tamen
in ea re vllus supersit dubitandi lo-
cus, declarat insuper nullius Supe-
rioris, ac ne Generalis quidem, pos-
se super ea vel licentiam, vel dispen-
sationem, seu licitam, seu validam
esse .

Conciona-
torum elee-
mosynæ .

Decr. 40. in MS. Act. 35.

QVoniam Concionatoribus no-
stris, extra Tempia nostra
con-

concionantibus, quemadmodum, & alijs Religiosis, offerri interdum stipendium aliquod solet; ideo declarandum Congregatio iudicauit, qua ratione, hac in parte, gerere se Nostri debeant?

I. Ne quid oblatæ pecuniæ; Concionator accipiat; sed si quis offerat, eum ad Collegij, vel Domus loci, vbi concionatus est, Superiorem remittat. II. Superior offerenti declaret, nihil præter id, quod ad Concionatoris sustentationem, & viaticum fuerit expensum, aut necessarium accipi à nobis posse; tamquam stipendium aut eleemosynam in compensationem pro ministerio; adeoque quidquid ultra reliquum fuerit, reddat. III. Si tamen vrgeat ille, velitque ultro, & spontè, ac titulo puræ, & liberalis eleemosynæ dare, poterit in eo casu Superior in vtilitatem domus, seu Collegij, cui præest, accipere. Si verò Concionator alibi quàm vbi

Societatis domicilium est, concionatus fuerit. 1. Nihil pariter supra id, quod ad Sustentationem, & Viaticum expensum, necessariumue fuerit, admitter. 2. Si tamen urgeatur, nec illud etiam alio quouis modo vel nomine accipiet, quàm quo dictum iam fuit. 3. Quidquid illi reliquum ultra Sustentationem, & Viaticum fuerit, id totum, cum ad locum, ubi ex Superiorum mandato degere debet, venerit, loci illius Superiori, & in eiusdem Domus utilitatem tradet.

Decr. 41. in MS. Act. 36.

Deposita
pecuniarum.

ET si ex Præpositorum Generalium literis statutum satis iam videtur, Nostrorum neminem posse pecuniam habere depositam, vel apud alium, penès quem eius dominium remaneat, vel apud se, ita ut dominium spectet ad alium; ac eam deinde, obtenta Superioris

ris facultate, vti: hancque facultatem nullam, ac irritam esse declarauit R.P.N.Vincentius Carafa, siue huiusmodi depositi conscius Superior fuerit, siue non: hoc tamen iterum, ac magis præsentis Decreto Congregatio declarat, atque confirmat.

Decr. 42. in MS. Act. 36. & 37.

VT prohibere vniuersim non expedit, ne quis vnquam possit cum Superioris facultate quidquam habere pecuniæ in honestos vsus destinatæ; ita id rarò tantum, iustasque ob causas, Iunioribus præsertim, & Coadiutoribus, permittendum Congregatio censuit. Si tamen concedendum aliquando visum fuerit, voluit insuper eadem Congregatio, vt in eo etiam casu Religiosæ disciplinæ magis consulatur, eiusmodi pecunias apud ipsum totius Domus Superiorem

Penes quẽ
esse deposita
debeât.

52 *Decreta Congregationis*
deponi, à quo deinde id quisque
accipiet, quo ipsi vti necessarium
fuerit cum eiusdem, aut mediati
Superioris facultate.

Huic Decreto quoad illam
partem, in qua statuitur debere
eiusmodi deposita penes ipsum to-
tius Ordinis Superiorem esse, in-
tercessum quidem fuit; sed auditis,
attentèque perspectis rationibus,
maiori parti placuit standum pla-
nè Decreto.

Dec. 43. in MS. Act. 37.

Vita com-
munis ser-
uanda.

VT vita communis, quæ hactenus
Dei beneficio in Societa-
te semper floruit, incolumis etiam
ac illibata conseruetur inpos-
terum: decrevit Congregatio, vt in
his, quæ pertinent ad Victum, Ve-
stitum, cubiculique suppellectilem,
& alia vitæ communi necessaria,
vniformitas tam Superiorum cum
inferioribus, quàm inferiorum

in-

inter se omnino retineatur, eaque omnia teneantur Superiores inferioribus suis qua par est Charitate suppeditare. Ideoque etiam voluit, nulli licitum esse ea sibi alià quacumque via quærere, aut per alios procurare; nec penès ipsos Superiores, ac etiam Prouinciales, vel quoscumque alios esse hanc illis facultatem dare.

Decr. 44. in MS. Act. 40.

SI cui de Congregatione, siue illa sit Generalis, siue Prouincialis, siue ad eligendum Vicarium, darentur Epistolæ, quas cœcas vocant, siue subscriptione ac nomine, ad aliquem excludendum, aut includendum, has ille quamprimum supprimat, nec cuiquam manifestet, nisi fortè pro rerum scriptarum grauitate rem ad Vicarium, vel ad Præpositum Generalem, aut ad Prouincialem deferendam esse,

Epistolæ
cœcæ non
communi-
candæ.

D 3 vel,

54 *Decreta Congregationis*

vel, sub sigillo Secreti, vni vel alteri ex Congregatis, consilij capiendi gratia, communicandam iudicaret; Visumque id fuit addendum formulis.

Decr. 45. in MS. Act. 41.

Ius Poenitentiariorū
ad Congr.

ROgata Congregatio, vt Patres Poenitentiarij, qui vel hic Romæ in Basilica Vaticana, vel in Sacra Aede Lauretana confessiones audiunt, possint à suis Prouincijs ad Congregationem Generalem eligi; hanc illis gratiam, habitatione assidui ipsorum laboris, concedi voluit; vtque in Congregatione Romana vocem actiuam retineant.

Decr. 46. in MS. Act. 42.

Missi ex Indijs Procuratores no
uo muneri
addicti.

DEclarauit Congregatio, si quis ad Congregationem Procuratorum ex Indijs in Europam ven-

ne-

nerit ; ac tum deinde , finita Congregatione in Europa ad aliquod aliud munus sibi à Generali traditum substituerit ; per illud nouum munus expirare illud aliud Procuratoris munus, quod à sua Prouincia acceperat ; adeoque nec in illo ampliùs ad Congregationem Generalem ius vllum esse .

Decr. 48. in MS. Act. 43.

Dubitatum fuit , An debeat nouus Præpositus Generalis de his , quæ ab obitu Decessoris sui vsque ad suam Electionem per ambitum commissa sunt , ac de quibus Formula §. 24. tanquam iudex cognoscere ? Congregationis pars maior censuit , si ex Iudicibus fuerit ante electionem ille idem , qui electus est Generalis , debere ipsum de iisdem quoque causis cognoscere ; sin minus , debere solùm præsidere , ac iudicium dirigere . Si au-

*Generalis.
An & quā-
do iudex
ambitus.*

56 *Decreta Congregationis*
tem de ambitu in Assistentium electione agatur, illum haud dubiè iudicem esse ex Form. §. 82.

Decr. 48. in MS. Act. 43.

De Electione Vicarij,
moriente
Generali
post Congregationem.

SI Præpositum Generalem è viuis decedere contigerit, postquam ex Electoribus aliqui ex eo iam loco abierunt, in quo habita fuit Congregatio, nec ille moriens Vicarium Generalem nominauerit, nec possint illi intra breue tempus reuocari; Quæsitum est, An sit in eo casu Vicarius nouus eligendus, & An ab ijs, qui necdum post Congregationem dissolutam abierunt? Vnanimis omnium consensus fuit, nouam tunc Vicarij electionem esse faciendam, iuxta Form. Congreg. ad eligendum Vicarium Generalem; neque eo nomine quod in Congregatione Generali fuerunt Electores qui adhuc supersunt, ius illis ad Vicarium eligendum superesse; sed
ad

ad hanc Electionem admittendos
solùm esse iuxta 'professionis anti-
quitatem'.

Decr. 49. in MS. Act. 43. & 44.

VT quæ ex huius Congregatio-
nis Decreto 4. reiecta in alium
locum quæstio fuerat, nunc tan-
dem definiatur; Quæsitum fuit,
cum ex Form. Congregat. Gener.
§. 15. dicatur ante Electionem Ge-
neralis facienda deputatio ad de-
trimenta cognoscenda, ac tum de-
inde post Electionem §. 62. dica-
tur iterum, postquam electi fue-
rint quinque Deputati ad secer-
nenda postulata, esse alios quin-
que eligendos, ac deputandos
ad detrimenta pariter cognoscen-
da, An debeant hi postremi
quinque Deputati ad detrimenta
esse distincti ab ijs, qui ante Præ-
positi Generalis Electionem con-
sti-

Vnica ad
detrimen-
ta Depu-
tatio.

58 *Decreta Congregationis*
stituti pariter ad detrimenta iam
fuerant?

Congregationis iudicium fuit,
unicam omnino eandemque ad
detrimenta Deputationem, tum
ante, tum post Electionem suffice-
re; illosque eosdem, qui prius
de ijs vnà cum Vicario Generali
cognouerant, posse post de ijs vnà
cum Præposito Generali cogno-
scere; adeoque nec nouà, nec
duplici Deputatione opus esse.
Censuit insuper videri Formulæ
congruum magis esse, vt quinque
illi, qui ad detrimenta deputati
sunt, ab alijs quinque, ad seligen-
da postulata deputatis, diuersi om-
nino sint.

Decr. 50. in MS. Act. 44.

Visitator
Congreg.
Prouinciæ
lem non
ingreditur

DVbitatum quoque hic fuit,
Vtrum Congregationi Pro-
uinciali, quando hæc, viuentem Præ-
po-

posito Generali, cogitur ad eligendos eos, qui vnà cum Prouinciali ad Congregationem Generalem mittendi sunt, debeat illius eiusdem Prouinciæ Visitator interesse, quo tempore illi, visitatione nondum perfecta, in suam Prouinciam redire non licet? Maiori Congregationis parti visum est ex ipsa Congregationis Prouin: Form: §.4. per se satis constare, Ius illi tunc, cum suo Visitatoris munere fungitur, ad Congregationem Prouincialem nullum esse.

Decr. 51. in MS. Aet. 44.

QUæsitum præterea, An, si iustam ob causam cogi Congregatio Prouincialis non potuerit, Ius nihilominus Prouincialis habeat veniendi ad Congregationem Generalem? Item si habeat, nec, ob impedimentum aliquod, ve-

De Iure
Prouincia.
lis ad Con-
greg. Gen.
si non fiat
Cong. Pro-
uinc.

venire possit, an alium suo loco substituere possit, ac mittere? Censuit Congregatio illum ius habere veniendi, posseque iure suo uti, quandoquidem illud ex officio habet. Censuit insuper ac decrevit, posse illum, ubi impeditus fuerit, alium ex sua prouincia idoneum, quemcumque voluerit, suo loco mittere; suis ad summum auditis consultoribus, si adsint, alijsque præsentibus, qui in Congregatione suffragij ius haberent.

Decr. 52. in MS. Act. 44. & 45.

QVia item contingere potest, ut ipsa die indictæ Congregationis prouincialis, etiamsi adsint duæ tertiæ partes Congregandorum, aliquot tamen adhuc absint legitimè impediti prope diem adfuturi, aut aliqua iusta causa interueniat differendi initium

tium Congregationis ultra inditam diem; Quæsitum est, An possit Prouincialis Congregationem in eo casu differre? Item, an possit iustam pariter ob causam locum Congregationi destinatum mutare? Responsum est, posse tunc, ac in utroque casu Prouincialem ea de re, habita prius consultatione cum ijs, ad quos ex ipsa Congregationis prouincialis Formula §. 10 pertinet, ad plura suffragia iudicare, atque decernere.

An possit
Congreg.
Prouincia-
lis differri,
& an trans-
ferri.

Decr. 53. in MS. Act. 45. & 46.

Rogata Congregatio, vt declararet, quænam sit facultas Vice-Prouincialium, Vice-Præpositorum, ac Vice-Rectorum, quando Prouinciales ipsi, alijque Superiores Romam, aliove abeunt, suntque aliquandiu à suis Prouincijs, seu Collegijs, aut Domibus ab-

Quæ sit sã
cultas Vice
Prouincia-
lium, Vice-
Præp. &
Vice Rect.

abfuturi? Declarauit, statutumque voluit.

I. Prouinciales, Præpositos, atque Rectores, suam eandemque Iurisdictionem, quam præsentem habent, etiam cum absentes sunt, retinere; ac ita ab ijs semper esse dependentes, qui vices illorum gerunt.

II. Ipsorum quidem Vice-Provincialium, Vice-Præpositorum, ac Vice-Rectorum officium esse Prouincias, & Domos sibi commissas interim gubernare; sic tamen, vt meminisse tunc etiam debeant, se nec Prouinciales, nec Præpositos esse, aut Rectores, sed illorum tantum vicem gerere, eumque in illis gubernandis tenere modum, quem illi tenuerunt, & ab ijs acceperunt.

III. Nihil proinde debere ipsos in ratione gubernandi, vel innouare, vel immutare, vel nouam
ali-

aliquam consuetudinem inducere, aut inductam tollere; sed ad illorum spiritum, & sensum se componere, quorum vices gerunt, eosque quasi præsentes, illorumque gubernationem repræsentare; ac si quid alicuius momenti se offerat, illud, quoad fieri poterit, usque ad illorum reditum differre; si res urgeat, illos, si possint, per literas monere, consulere, ac responsum expectare. Si verò nec moneri, nec consuli possint; nihil, nisi priùs auditis consultoribus, suscipere, aut exequi; ac, ubi primùm redierint, illis quidquid factum fuerit referre, factique rationem reddere.

Decr. 54. in MS. Añ. 47.

FVit hic instituta Quæstio, vbi-
nam, si Præpositum Genera-
lem, nullo Vicario nominato, ex-
tra

Electio Vi-
carij, si ex-
tra Romā
obierit Ge-
neralis.

64 *Decreta Congregationis*

tra Romam (siue in Agro, Prouinciaque Romana, siue in alia) mori contigerit, facienda sit in illo casu Vicarij Generalis electio? & an huic electioni interesse Assistentes debeant?

Re bene examinata: visum ferè omnibus fuit, si suam sedem Romæ habuerit Præpositus Generalis, quocumque tandem intra Prouinciam Romanam loco obierit, Romæ celebrandam esse Vicarij electionem: sin autem extra Prouinciam Romanam decesserit, seruandam esse Formulam Congr. ad Vicarium eligendum §.3. Quod verò ad Assistentes spectat, standum esse Decreto 34. Congregationis IX. vbi declaratur Ius illis competere, si præsentibus fuerint, seclusa etiam Professionis antiquitate: Non videri autem ipsos præsentibus esse, si, cum extra Prouinciam Romanam obierit

Ge-

Generalis, ipsi Romæ tunc fuerint.

Decr. 55. in MS. Act. 48.

QVoniam Congregatio VIII. *Quot Assi-*
Decr. 28. declaravit Assisten-
tium esse iudicare, quandonam sit
substituendus Vicarius Generali *stentes iu-*
adhuc viventi, sed ad Societatis *dicent de*
gubernationem inutili; dubitatum *Vicario eli-*
fuit, An in hoc iudicio consentire *gendo.*
Assistentes prorsus omnes debe-
ant? Censuerunt plusquam duæ
tertiæ partes, satis esse, si pars il-
lorum maior iudicaverit. Sed cum
præterea quæreretur, ad quem
tunc temporis spectaret Congre-
gationem cogere ad Vicarium eli-
gendum? Responsum fuit, non es-
se tunc recedendum à Formula
Congregationis ad eligendum Vi-
carium §. 2. & 3.

Decr. 56. in MS. Aet. 13. 16. 22. 9.
30. 31. 49.

De Institu-
ti Epitome

Variarum Prouinciarum postu-
lata hæc fuere.

I. Vt Ius Societatis in Epito-
men redigatur; eiusque variæ, ac
dispersæ leges ad faciliorem ea-
rumdem notitiam, & praxim, in
vnum, eo quo par fuerit ordine,
colligantur.

Nouæ quo-
rûdam Re-
gulæ.

II. Vt Procuratorum tum Affi-
scentiarum, tum Prouinciarum, Su-
periorum item Residentiarum, In-
structoris Patrum tertij anni Pro-
bationis, Socij Prouincialis, & So-
cij Magistri Nouitiorum confician-
tur Regulæ.

Quæstionû
in Philos.
& Theol.
nouus in-
dex.

III. Vt quæstionum, tum tra-
dendarum tum omittendarum in
Theologia, & Philosophia, nouus,
& accuratior index fiat.

Missæ ad
intentionē
Vic. Gen.

IV. Vt cùm ex Decr. 8. Con-
greg. X. debeat mortuo Genera-
li,

li Sacrum, quod ad illius intentionem fiebat, fieri ad intentionem Vicarij Generalis, hæc in Catalogo Missarum ad §. 20. verba addantur, *vel Vicarij Generalis.*

V. Vt quo die defuncto Generali solemnes exequiæ fiunt, quemadmodum indicitur singulis Sacerdotibus Sacrum pro illo faciendum, indicantur, & alijs, qui Sacerdotes non sunt, corona recitanda.

Corona in
exequijs
Generalis
recitanda.

VI. Vt cum nova fiet impressio Formularum addatur §. 3. informationis de promouendis ad gradum id, quod addi voluerat R.P.N.Oliua *Profecit, vel non profecit in virtutibus quantum requirit* Decretum 6. Congreg. IX.

Addendū
informatio
ni ad gra-
dum.

VII. Vt in posterum, cum post obitum Generalis, sub Vicario Generali Professio, siue Vota ad gradum emittentur, hæc Formulæ verba sint; vt nempe;

Formulæ
Professio-
nistempo-
re Vicarij,

68 *Decreta Congregationis*

si Vicarius ipse Generalis Professionem, seu Vota excipiat, dicatur, & Tibi R. Patri (N.) Vicario Generali Societatis Iesu; locum Dei tenenti, & successoribus tuis: si verò aliquis alius excipiat, dicatur, & Tibi R. P. (N.) Rectori, si Rector est, vel Praeposito, vel Prouinciali, & sic de alijs. Vice R. Patris Vicarij Generalis Societatis Iesu, & successorum eius, locum Dei tenenti.

Addenda
ad Formu-
las Congr.

VIII. Vt quod §. 45. Formulæ Congregationis Prouincialis additum fuit, Decernendum esse singulatim de singulis reiectis, vtrum de illis agendum sit, necne? addatur pariter §. 64. Formulæ Congregationis Generalis. Ac præterea maioris claritatis causa, addantur utrobique illis verbis hæc alia, itaut non proponatur in genere; An sit agendum de reiectis; sed vbi expositum fuerit vnum reiectum, decernatur, An de illo agen-

agendum sit, tum de alio, & sic de cæteris. Ad illa iterum verba §.48. Formulæ Congregationis Prouincialis. *Meminerint omnes nihil de illis proponi posse Congregationi, quod non sit prius approbatum à Deputatis, addantur & ista, Nisi prout de Reiectis §. 45. dictum est* His planè omnibus annuendum Congregatio censuit; eaque Patri Nostro curanda commendauit.

Decr. 57. in MS. Act. 49.

QUæsitum denique à R.P. Generali, An Congregationi placeret Formulas à Patribus Deputatis recognitas, & approbatas confirmare, easque ad vsum Congregationum Typis mandari, cum illis additionibus, iam tum à P.N. Oliua, atque à PP. Assistentibus approbatis, vnà cum ijs, quas faciendas præsens Congregatio decreuit? Vna vox omnium fuit *placere.*

Formulæ
rum appro
batio.

70 *Decreta Congregationis*

Actum demum, habita gra-
ui, & solida à P.Nostro hortatio-
ne, qualem initio Congregatio-
nis habuerat, actisque pro more
Deo gratijs, finita est, inter mu-
tuos Charitatis amplexus, & offi-
cia, sub Societatis Iesu præposito
Generali duodecimo, eiusdem So-
cietatis Congregatio Generalis
duodecima, die 6. Septem-
bris 1682. Omnesque tum
deinde salui, & inco-
lumes Roma, vt
venerant, di-
scessere.

L A V S D E O.



INDEX EORVM,

Quæ in Decretis Congregationis Duodecimæ Generalis continehtur .

A

Administratio bono-
rum suorum probi-
bita . Decretum 36.
pag. 44.

Admonitor electus . D. 6.
p. 8.

Ætas requisita ad gra-
dum Coadiutorum spi-
ritualium . Decr. 14.
p. 17.

Assistentiæ nomine quid
intelligatur . D. 5. p. 7.

Assistentes in Congregatio-
ne Generali XII. ele-
cti . D. 6. p. 8.

Assistentium providentia
circa Præpositum Gene-
ralem . D. 7. p. 9.

Assistentes Ius habent ad
electionem Vicarij , si
fuerint presentes ubi
moritur Præpositus Ge-
neralis . D. 34 p. 64.

Quando censendi sint
presentes ? ibid. Quot
iudicent de Vicario eli-
gendo , vivente Præpo-
sito Generali . Dec. 55.
p. 65.

C

Casibus reservatis ;
absente Rectore ,
vel Præposito, quis pos-
sit absolvere ? Dec. 17.
p. 19. Quis in Resi-
dentis , & Missionibus
fixis?

I N D E X:

Axis? *ibid.* p.20.
Catalogo Missarum addendum de Sacro ad intentionem Vicarij Generalis. D.56. p.67.
Compensatio pro Ministris nec licita, nec valida. D.39. p.48.
Concionatores. *Vide V. Eleemosyna.*
Confessarij pro Votorum renouatione assignati, quanto tempore, & quorum confessiones audire possint? *Decr.* 16. p.18.
Congregationis Generalis XII. occasio. p.1.
Congregationis nouennalis abrogatio, an petenda. *Dec.* 1. p.2. *Petenda.* D.2. p.3.
Congregationis Generalis, & Prouincialis formula. *Vide V. formula.*
Consultores tum locales, tum Prouinciales te-

nentur monere Superiores mediatos, si quis alios calamo, vel lingua offenderit; & an, & qualis pœnitentia iniuncta illis fuerit? D.19 p.22.

Corona à non Sacerdotibus recitanda in exequijs Præpositi Generalis. D.56. p.67.

D

D *Elatores falsi puniendi.* D.18. p.21.

Deposita pecuniarum, nec apud alium penes quem eorum dominium remaneat, nec apud se seruanda. D.41. p.50. debent esse apud Superiorem totius domus. *Decr.* 42. p.51.

Deputati ad detrimenta, & ad postulata electi in Congregatione Gene-
ne-

I N D E X.

nerali XII. Decr. 4.
p. 6.

Deputati ad detrimenta
diferſi ſint à Deputatis
ad ſeligenda Poſtulata .
D. 49. p. 58:

Deputatorum electio ad
detrimenta una ea-
demque eſt ante, &
poſt electionem Prapo-
ſiti Generalis . Dec. 49.
p. 57.

Dimiſſio importunè petita,
quomodo concedenda?
D. 12. p. 15.

Doctrina requiſita ad pro-
feſſionem quatuor Vo-
torum . Dec. 22. p. 25.
26. Vide *Ius Canoni-*
cum .

E

Electio . Vide V. Ad-
monitor . Aſſiſten-
tes , Deputati . Inclu-
ſor . Orator . Secreta-
rius . Vicarius Gene-

ralis . Prapoſitus Ge-
neralis .

Eleemoſyna Concionato-
ribus ablata , que acci-
pienda ? D. 40. p. 48.
& ſeqq.

Epistoła cæca non com-
municanda . Dec. 44.
p. 53. Quibus , & que
caſu communicari poſ-
ſint ? ibid.

Epitome . Vide V. Inſti-
tutum .

Examen ſecundum ad Pro-
feſſionem quatuor Vo-
torum rarò conceden-
dum, & quibus in caſi-
bus . D. 22. p. 28. Ter-
tium non concedendum.
ibid.

Examinatores ad Profeſ-
ſionem Iuramentum ,
& quale tenentur emit-
tere . Decr. 22. p. 26.
Iurare debent de ta-
lentis . Dec. 24. p. 30.
Quomodo iudicium
ferre debeant in alijs
exa-

INDEX.

examinibus Theologorum, & Philosophorum. *D. 22. p. 29. Vide V. formula.*

F

Formula iuramenti Examinatorum ad professionem. *Decret. 22. p. 26.*

Formula Professionis &c. tempore Vicarii Generalis. *D. 56. p. 67.*

Formulis Congregationum Generalis, & Provincialis quid sit addendum? *D. 56. p. 68. & seq. & D. 44. p. 54.*

Formulae approbatio. *D. 57. p. 69.*

G

Generalis. *V. Praepositus Generalis.*
Graduum promotionibus constituti dies. *Dec. 9.*

p. 12. Non sunt conditio necessaria ad valorem Professionis. *ibid.*
p. 13. Alio etiam, & quo tempore possit quis promereri cum facultate Provincialis? *ibid.*
Vide Vicarius Generalis. Aetas. Informatio.

I

Inclusoris electio. *D. 4. p. 6.*

Index novus opinionum Philosophicarum, & Theologicarum conficiendus. *D. 56. p. 66.*

Informationibus ad Gradum addatur iudicium, & quale de profectu in virtutibus. *D. 56. p. 66.*

Instituti Epitome conficiatur. *D. 56. p. 66.*

Iuramentum. *Vide V. Examinatores. Formula.*

Iu-

I N D E X.

Iuris Canonici doctrina
quanta requiratur ad
professionem quatuor vo-
torum. D.23.p.29.

L

L *egata confidentialia*
non acceptanda. D.38
p.46.

M

M *agistri peculiares nō*
concedendi Colle-
gijs Conuictorum. D.25
p.32. Si possit reuocen-
tur, qui sunt concessi.
ibid. p.33.

Ministeria. Vide V. Com-
pensatio.

Missæ ad intentionem Præ-
positi Generalis celebra-
tæ quibus vsibus appli-
cari ab ipso nequeant.
Decr. 3. pag. 11. &
seqq.

Missiones fundatæ ab Epis-

copo Principe Monaste-
riensi, & Paderbonen-
si. D.27.p.35.

N

N *onitij admissi ante*
legitimam ætatem,
quando censendi admis-
si? Dec.13. p.16. item
ad Vota simplicia? &
ibid.

O

O *ffendentes calamo,*
vel lingua punien-
di. D.19. p.21. debi-
tam satisfactionem lais
quamprimum exhibeāt.
ibid. p.22.

Opinionum Index. Vide.
V. Index.

Opinionum laxitas punien-
da. D.28. p.36.

Oratoris electio. Dec. 4.
p.6.

Pen-

I N D E X.

P

Pensionēs annuæ applicanda. [D.37. p.45.](#)

Nulli earum usus est liber. *ibid.* p.46. venire debent in manus Superioris localis, vel Prouincialis. *ibid.*

Pœnitentiarij S. Petri, & Aedis Lauretanæ, ius habent ad Congregationem Prouincialem in Prouincia Romana. [D.45. p.54.](#) Possunt eligi à suis Prouincijs ad Congregationem Generalem. *ibid.*

Postulata reiecta singillatim proponenda in Congregatione tum Generali, tum Prouinciali, ut decernatur utrum de ijs agendum nec ne? [D.56. p.68.](#)

Præpositi Generalis electio. [D.3. p.5.](#)

Præpositus Generalis, an,

Quando sit iudex ambitus? [D.47. p.55.](#)
Superiores locales, qui sui regiminis tempus absoluerant, mutare potest post indictam Congregationem Generalem, etiam ante Congregationem Prouincialem. [D.31. p.40.](#) Prouinciales verò post decretum in Congregatione Procuratorum, non verò post indictam Congregationem Generalem, nisi in casibus, in quibus potest Vicarius [D.32. p.41.](#)

Præpositus. Vide V. Superiores locales. Reſtores.

V. Præpositi quam facultatem habeant? [D.53. p.61.](#)

Procurator Generalis Professus per dispensationem. [D.29. p.37.](#)

V. Procurator Generalis ad-

I N D E X.

admissus ad negotia
ante electionem Gene-
ralis. D.1.p.3.

Procuratori *Quebecensi*
Parisijs degenti concedi-
tur ius ad Congregatio-
nem in Prouincia Fran-
cie. D.21.p.24.

Procuratores missi ex In-
dys, cum nouo munere
addicuntur, cessant esse
Procuratores, nec ius
habent amplius ad Con-
gregationem Generalem.
D.46.p.54.

Professus. V. Procurator
Generalis.

Professi extra Europam de-
gentes in Collegijs spe-
ctantibus ad Prouinciam
aliquam Europe non
habent ius ad Congre-
gationem sue Prouincie.
D.21.p.24. ad Profes-
sionem non expectandi
absentes. *Decr.* 11.
p.14.

Professi tardius promoti

non restituendi in locum
sua antiquitatis. D.11.
p.15.

Prouinciales habent ius ad
Congregationem Gene-
ralem, ac alium suo lo-
co substituere possunt,
etsi Congregatio Pro-
uincialis cogi non potue-
rit. *Decr.* 51. p. 59.
Quando, & qua ratio-
ne possint differre tem-
pus, vel mutare locum
Congregationi Prouin-
ciali destinatum? D.52.
p.60. Mutari possunt à
Generali post decretam
in Congregatione Pro-
curatorum, non verò
post indictam Congrega-
tionem Generalem nisi
in aliquibus casibus.
Decr. 32. pag. 41. Post
indictam Congregatio-
nem Generalem, eorum
mutatio quandonam
legitima sit? *Decret.* 33.
pag. 42. Non possunt
dare

I N D E X.

dare facultatem Subditis, ut sibi priuatim procurent qua ad victum, vestitum, & cubiculi suppellectilem pertinent. Decret. 43. [pag.53.](#) Vide Verbo Superiores.

V. Prouincialis facultas qua? [D.53.p.61.](#)

Prouincijs extra Europam tribuitur ius mittendi Romam Substitutum, vnum cum Procuratore. [D.20.pag.23.](#)

beant mittendi ad Congregationem Prouincialem. [D.35.p.43.](#)

Rectores Collegiorum extra Europam spectantium ad Prouinciam aliquam Europe non habent ius ad Congregationem suae Prouinciae. [D.21.p.24.](#)

V. Rectores quam facultatem habeant? [Dec.53.p.61.](#) & seqq.

Regula quorundam condenda. [D.56.p.66.](#)

Q

Quebecensis Procurator. Vide V. Procurator.

R

Rectores. Vide V. Superiores.

Rectores, & Praepositi absentes quale ius ha-

S

Sacrum. Vide V. Catalogus Missarum.

Secretarius electus ante, & post electionem Generalis. [D.1.p.2.](#) [D.4.p.6.](#)

Secretum, quo Superiores tenentur circa audita à conscientiae rationem reddentibus. [D.15.p.18.](#)

Se-

I N D E X.

Seminaria Clericorum in Gallia admittenda, & qua ratione. *D. 26. p. 33.*

Socius Prouincialis vi muneris non admittendus in Congregatione Prouinciali. *D. 34. p. 42.*

Substitutus Procuratorum Prouinciarum extra Europam ius tribuitur ad Congregationem Generalem. *D. 20. p. 23.* etiam ad electionem. *ibid.* *Ad Congregationem Procuratorum non habent Ius, Procuratore suo praesente.* *ibid. p. 24.*

Substitutus Procuratoris Prouinciæ Mexicanæ admissus ad negotia post electionem. *D. 20. p. 23.*

Superiores nominati à Generali defuncto, an & quando renunciandi? *D. 30. p. 38.* & seq. *Superiores inquirent in*

cos, qui calamo, & vel lingua alios offendunt, & puniant. *D. 19. p. 22.*

Superiores locales facultatem dare non possunt Subditis, ut sibi priuatim procurent, quæ ad victum vestitum, & cubiculi suppellectilem pertinent. *d. 43. p. 53.* *Post absolutum sui regiminis tempus mutari possunt à Generali tum post Decretam tum post indictam Congregationem Generalem.* *d. 31. p. 40.* etiam ante Congregationem Prouincialem. *ibid. p. 41.*

V

V*icarius Generalis potest conferre Gradus.* *d. 10. p. 13.* *Eligendus Romæ si Generalis moriatur intra Prouinciã Romanam.* *d. 54. p. 63.*

Si

I N D E X.

<p><i>Si verò Generalis moriatur extra Provinciam Romanam, in Vicario eligendo servetur formula. ibid. p. 64.</i></p> <p><i>A quibus eligendus moriente Generali post Congregationem? dec. 48. p. 56.</i></p>	<p><i>Visitator vivente Generali non ingreditur Congregationem Provinciale, qua fit in ordine ad Congregationem Generalem. dec. 50. p. 58.</i></p> <p><i>Vita communis servanda? dec. 43. p. 52.</i></p>
---	--



F I N I S.

R O M A E,
Ex Typographia Iacobi Antonij
de Lazzaris Varesij.

M. DC. LXXXVII.

Superiorum permissu.